


Sel Prestuhn
Thomas S. Monson



Prestuhn Monson el Pahngon ke Puhlaik

Prestuhn Thomas S. Monson el fahk lah kuht apkuhranna in pacl nuh kwewa pahngonyuck in oraclah sulaclah ke kain se kuh siepacna.

In oraclah sulaclah lahlmwetmwet, el fahk, kuht enenuh puhlaik—“puhlaik in fahk moh, puhlaik in fahk ahok. Sulaclah uh oraclah fuhfahsryucsr.”¹

Ke ma sihmlac ten inge, Prestuhn Monson el ahkacs-makihnye Mwet Luhlahlfongi ke Lwen-sahflah uh lah elos enenuh puhlaik in tu ke ma pwacye ac suwohswohs, in loangwelah ma elos luhlahlfongi, ac in tulokihn sie facluh ma lain ma yohk srihpac ma pahtpaht ac ip yohk uh.

“Pahng nuh ke puhlaik tuhkuh pacl nuh kwewa nuh sesr kais sie,” el fahk. “Ma inge nuh pwacye na, ac fah pwacye na pacl nuh kwewa.”²

Puhlaik uh Use Ahkkweye luhn God

“Kuht nohfohn fah sun sahngweng, puhlakihn ahkkoluk, ac sun ma siena uh. Lwelah kuht—kuht nohfohn—in puhlaik in mukwikwi siena liki nuhnak eye, puhlaik in tu na nuh ke ip yohk. Puhlaik, tiac insese, use isracsr srihsrihk ke ahkkweyelah luhn God. Puhlaik orwacrah ma nwacsnwacs moul ac kahto se ke ac nuhnkweyuck in tiac inseselac in misac ke puhlaik, tuhsruhke ke motkweyac se in moul fal. Ke kuht oraclah wo, kampare in moul oacna kuht enenuh uh, pwacyena kuht fah eis kahsrh sin Leum ac kuh in sokwack ahkkweye ke kahs Lal uh.”³

Lain ke Puhlaik

“Meac kalmeyac in kampare? Nga luhngse kalmeyac se inge: *in lain ke puhlaik*. Puhlaik kuh in enenweyuck sum

kom in luhlahlfongi; ac fah ke kuhtuh pacl enenweyuck ke kom ahkos. Ma ingacn fah enenweyuck na pwacye ke kom kampare nuh ke lwen se ke kom fah som liki moul in mahno se inge.”⁴

Eis Puhlaik in Tu nuh ke Ma Pwacye

“Nga finsrak tuh in oasr puhlaik lom in tu kuh nuh ke ma pwacye ac suwohswohs. Ke srihpen mwet lahfwe luhn mwet mihsenge uh wacngihnac liki ma yohk srihpac ac ip yohk Leum El use nuh sesr uh, apkuhran na kom in pahngonyuck in lain ma ma kom luhlahlfongi uh. Tuh fin pwelucng ke luhlahlfongi lom an tiac fokoko, ac fah upac nuh sum in lain ahkkoluk luhn mwet suc lain luhlahlfongi lom an. Ke oreklac fokoko uh, fahkwack luhlahlfongi lom ke wosasuc, ke Mwet Lahngo, ac ke Pahpah tuhmasr Lucng fah mokle ma nuh kwewa kom oruh ke moul lom uh.”⁵

Kuht Enenuh Puhlaik ke Ma luhn Nguhn ac Facluh

“Pweng uh ma ahkkahlwemyeyuck ke tifi, ke pet-sac, ac ke media sahyac [mihsenge] pa kwacna oasr ke ma lainyuck suwohs nuh ke ma ma kuht kena tuhlihk nahtuhsr uh in eis ac sekoi. Ma kunacsr in tiac lotwelos muhkwenan in sruokyacna ma ke nguhn ac mwe luti uh tuh in oacyacpac kahsrwelos in oacna ingacn, macnsis-kihn ma upac sahyac elos kuh in sun uh. Ma inge fah enenuh pacl ac kuh yohk ke ip lasr uh—ac in kuh in kahsrh mwet sahyac uh, kuht sifacna enenuh puhlaik luhn nguhn ac facluh in lain ma koluk kuht liye acn nuh kwewa uh.”⁶

Nga Finsrak Tuh Kuht in Puhlaik Pacl Nuh Kwewa

“Ke kuht moul ke lwen nuh kwewa uh, apkuhran na in sikyak lah luhlalfongi lasr uh fah lainyuck. Kuhtuh pacl uh kuht suk kuhtyak sifacna rauniyucklac sin mwet sahyac uh tuhsruhk kuht oasr in ip ke ma suhpuhs kuh finne sifacna tu ke nuhnak lasr ma lwelahkihnyuck ac ma tiac uh. . . .

“Nga finsrak tuh kuht in puhlaik pacl nuh kwewa ac ahkolah in tu nuh ke ma kuht luhlalfongi, ac kuht fin enenuh in muhkwenana tu ke ohiyac uh, lwelah kuht in oruh ke puhlaik, ahkkweyeyuck ke etwacack lah ke ma pwacye uh kuht tiacna muhkwenana ke kuht tu yurin Pahpah tuhmasr Inkuhsrao.”⁷

MWE KAHSRUH

1. Thomas S. Monson, “The Three Rs of Choice,” *Liahona*, Nohfuhmpuh 2010, 67, 68.
2. Thomas S. Monson, “The Call for Courage,” *Liahona*, Mei 2004, 55.
3. Thomas S. Monson, “Be Strong and of a Good Courage,” *Liahona*, Mei 2014, 69.
4. Thomas S. Monson, “Believe, Obey, and Endure,” *Liahona*, Mei 2012, 129.
5. Thomas S. Monson, “May You Have Courage,” *Liahona*, Mei 2009, 126.
6. Thomas S. Monson, “Three Goals to Guide You,” *Liahona*, Nohfuhmpuh 2007, 118–19.
7. Thomas S. Monson, “Dare to Stand Alone,” *Liahona*, Nohfuhmpuh 2011, 60, 67.

LUTI KE PWENG SE INGE

Kom ac kena in siyuck mwet kom luti an in nuhnkuh ke sie ohiyac sikyak ke wik fahsruh an—ke lohm ah, ke orekma ah, lohm lutlut ah, kuh lohm alu ah—ma enenuh elos in mukwikwi ke puhlaik. Elos sahp ac sun sie ma sahngweng, muhtwacnglah sie ma upac, tu na ke luhlalfongi lalos, kuh sulacalah in ahkos sie ip yohk ke wasasuc ke kahlwem yohk. Solwaclos in akacsruhi nuhnak lalos an kuh suhmuhlah.

MWET FUHSR

Sarah luhn Mwet Se Sahyac

Sel McKenzie Miller

Met, upac nuh sihk in orekmakihn luhlalfongi luhk ke sie top nuh ke sie kihsen siyuck fihsracsr oacna “Efuh kom tiac nihm kohfi?” Ke pacl somlah ah nga sukok srihpac ma oacna “Mwen laclac” kuh “Nga sruhnga emah an.”

Efuh nga mwekihn kac? Efuh kuh nga sahngweng in oruh ke ma nga luhlalfongi uh? Esamack ingena, nga tiacna kahlwem kac na pwacye ke ma nga sahngweng kac uh. Tuhsruhk nga esam na pwacye ke nga tui tilac wihkwihk ke sukok srihpac uh.

Sie lwen ah ke high school English class luhk ah, mwet luti sac tuhkahkihnh lah kuht ac liye sie petsac ke TV ma nga etuh muh nga tiac enenuh in liye. Ke tuhlihk lutlut sahyac ah kahlukluhk ke engan, classmate se luhk Sarah el sralwack pahol ac siyuck fin el kuh in som.

Ke mwet luti sac siyuck lah efuh ah, Sarah el topuk ke sie ohiyac na suwohs, “Ke srihpac nga Mormon se ac nga tiac liye petsac ma oasr kahskahs koluk kac.”

Puhlaik lal in tuyak ke kuhlahs sac sun na pwacye. Kuloh nuh sel Sarah, nga tuyak pac ac tifoklac soano lukunumac ke sie nuhnak kahlwem petsac sac in tari.

Nga eklac ma pahtpaht. Nga muhtwacwacack ahkuhtweyayac luhlalfongi luhk uh sahyac in kahingkihnh sifac sacn. Ac ke ma sikyak uh, nga sokwack luhlalfongi keik sifacna ac wi Alu pacl nuh kwewa ac mukwikwi ke lutlut ah.

Nga tiacna fahk nuh sel Sarah yohk srihpaciye srihkaskrak lal nuh sihk, tuh nga srihke in ukwe srihkaskrak lal ke luhlalfongi. Nga ingena akihlen lah in sie mempucr ke Alu wolacna, muhtahl luhn God pa pwacyena wacngihnh ma in mwekihn kac. Nga finsrak tuh ngan kuh, ke srihkaskrak luhk, in Sarah luhn sie mwet sahyac.

Mwet sihm sac muhta fin acn Utah, USA.

TUHLIHK SRIHSRIHK

Puhlaik ke Ma Suhmuhsalah uh

Prestuhn Monson el luti kuht in eis puhlaik ac oruh ke ma kuht luhlalfongi uh. Oasr srihkaskrak puhkantwen ke ma suhmuhlah uh ke mwet suc ahkkahlwemye puhlaik. Riti ma suhmuhlah sisken kais sie ine an. Mwet inge ahkkahlwemye puhlaik ac tuyak ke ma elos etuh muh pwacye uh fuhkah? Kom kuh in suhmuhlah kuh srolwacalah sie petsac ke top lom an.

Daniel (Daniel 6:7, 10–23)

Esther (Esther 4:5–14; 5:1–8; 7:1–6)

Samuel mwet Laman sac (Helaman 13:2–4; 16:1–7)

Joseph Smith (Joseph Smith—History 1:11–17)



Ohiyacn Jisus Kraist: Sahyacn Kuhtasrihk kuh Wosounkacs

Pruhe in lutlutkihn kuhfa inge ac suk in etuh ma in akacsruhi kac. Etuh moult ac misin luhn Mwet Lahngo ac ahkyohkye kuh in luhlalhfongi lom Kac ac ahkinsewowoye muwet kom liyacacng ke forfor luti uh fuhkah? Nuh ke kuhtuh pac ma in etuh, som nuh ke reliefsociety.lds.org.

Luhlalhfongi, Sucu, Kahsruh

Pa inge ip ke sie ipin Pweng ke Forfor Luti ma ahkkahlwemye ohiyac luhn Mwet Lahngo.

In etuh lah Jisus Kraist El tiac kuhtasrihk ac wosounkacs fah kahsrwe kuht luhlalhfongi in kampare in ukwe srihkasrak Lal. Elder Joseph B. Wirthlin (1917–2008) ke U luhn Mwet Sap Singucul Luo el fahk: “In kuhtasrihk pa in kikiacp kuh kohllah nuh ke tuhla. . . . Sie mwet tiac kuhtasrihk pa sie mwet wowo, mukwikwi suwohs, ac orekma nwacsnwacs, suc moult la ahkkahlwemye ahkpah fihsrwacsr ke insese ke mukwikwi lwen nuh kwewa la nuh ke ip yohk ke suwohswohs. . . . Nga luhlalhfongi mwe enenuh se nuh sin mempucr ke Alu uh in wacngihn kuhtasrihk kuh in salkweyuck yohk ingena liki pacl sahyac uh ke srihpen mwet puhs facluh tiacna kahlwem ke yohk srihpaciyen ma wo se inge.”¹

Ke wosounkacs, Prestuhn Dieter F. Uchtdorf, Mwet in Kahsruh Ahkluo ke Prestuhnsi Se Met, el fahk: “Wacngihn sesr apkuhran in oacna Kraist oacna ke kuht etuh muh kuht enenuh uh. Tuh kuht

kena na pwacye in kuhtanglah tah-fonglac lasr ac ohiyac se in orekma koluk. Ke insiyacsr ac nguhnasr kuht suk in wolac liki met ah ke kahsruh luhn Iwacnah luhn Jisus Kraist.”²

Kuht etuh lah “kuht fah nuhnuhn-kweyuck fal nuh ke mukwikwi lasr uh, kena luhn insiacsr, ac kain in mwet kuht eklac nuh kac uh.”³ Tuh ke kuht kwacfweacng in auliyak, kuht fah eklac nwacsnwacsrah—ac “insewowo elos su nasnas insialos: tuh elos fah liye God” (Matthew 5:8).

Ma Suhmuhsrah Ituckyang Sahyac

Soakas 32:2; James 3:17; 1 Peter 2:1–2, 22

Ke Ma Suhmuhsrah uh

Tuhlihk srihsrihk uh tiacna kuhtasrihk. Jisus Kraist El fahk: Lela tulik srisrik ingacn in tuku nu yuruk ac nimet ikololosi, el su tia eis tokosrai lun God oana sie tulik srisrik, fah koflana ilyak nu loac. . . . Na el srukak tulik srisrik uh ac filiya paol fin kais sie selos, ac akinsewowoyelosra” (Mark 10:14, 16).

Kraist El oacyacpac luti nuh sin tuhlihk fin acn America ah tukun

Srihsrihpyak Lal ah. Jisus El sapkihn mwet ah in use tuhlihk srihsrihk nahtuhlos ah nuh Yohrohl ac fihlihtahluh infohk ah raunwelah, ac El tu infuhlwaac ah; . . .

. . . Ac El tuhng, ac mwet uh suhmuhsrah kac, ac El eis tuhlihk srihsrihk nahtuhlos an, kais sie, ac ahkinsewowoyeyaclos, ac pruhe nuh sin Pahpah kaclos. . . .

Ac ke elos ngwetlah in liye elos ngwetwack nuh inkuhsrao, ac elos liye lipufacn uh puhtati liki inkuhsrao oacna ke infulwacne uh; ac lipufacn uh puhtati ac raunwelah tuhlihk srihsrihk ingacn, ac lipufacn ah lotwelos (Liye 3 Nephi 17:12, 21, 24).

MWE KAHSRUH

1. Joseph B. Wirthlin, “Without Guile,” *Ensign*, Mei 1988, 80, 81.
2. Dieter F. Uchtdorf, “Come, Join with Us,” *Liahona*, Nohfuhmpuh 2013, 23.
3. *Liye Handbook 2: Administering the Church* (2010), 1.2.1.

Motko Ke Ma Inge

Meac kuht kuh in lotwelah ke in tiac kuhtasrihk sin tuhlihk srihsrihk uh? (Liye Mwe kol nuh ke Ma Suhmuhsrah, “Guile.”)